


**CONCLUSIONES
PHILOSOPHICÆ
PUBLICÆ
DISPUTATIONI
EXPOSITÆ A'...**

Joseph Maria Zini

CONCLUSIONES
 PHILOSOPHICAE
 PUBLICAE DISPUTATIONI EXPOSITAE
 A CLERICIS REGALIBUS
 JOSEPHUS II IMPERATORIS
 EMINENTISS. AC REVERENDISS. PRINCIPIS D. D.
 JACOBI ANTONII
 MORIGIA
 SANCTE ROMANE ECCLESIAE
 CARDINALIS AMPLISSIMI
 FLORENTINAE ARCHIEPISCOPI



FLORENTINAE MDCC
 Typis Vincentii Vangelisti Archidiaconi Florentini
 SOLIMON LICENTIA



SERENISS. ET REVERENDISS.
PRINCEPS.

Constitudini Tuæ, Serenissime Princeps hæc nuncupatur Philosophia; Scientiarum quippè Regina, Regium exigit Mæcenatē; Inter Regios Mæcenates Purpuratum, inter Purpuratos Medicum. Quare tua censeatur (si culpa tamen est securum precari patrociniū) sui propugnatoris audacia. Debebat quæ sita

protectione defendi, qui de sua imbecillitate securus propria se se virtute tueri non potest, nec alia, quam tua, qui cum nihil nisi regium geras in sanguine, nihil nisi augustum spondes in opere; Neminem adire securius; Neminem tutius rogare poteram; Ea enim polles animi liberalitate, ut videaris beneficium accipere, cum rogaris conferre; Immò ferè numquam rogatus confers; haud ignorans beneficii medietatem amittere quisquis beneficia non elargitur nisi rogatus. Vendere est enim potius, quam donare solis precantibus beneficia impertiri. Augustum igitur patrocini-
um tuum non mihi superest rogandi locus, ut tibi supersit facultas talem erga me esse, qualem te omnibus exhibes. A nemine rogari pateris, ut educat unusquisque te a tuo regali solio prius impetrantes dimittere, quam ad tuos augustos pedes rogantes admittere. Huiusmodi sanè debabantur tuo excellissimo animo dotes, ut Regii Sanguinis nobilitati qua splendes, coequarentur. Talis est lux Serenissimæ Propaginis Tuæ, cui tamquam pulcherri-

v
mæ basi virtutum tuarum innituntur Tro-
phæa, ut & præterita coronata gloria in
fama, & perantiquis fastis cuique sit obvia,
& adhuc quæ conspiciuntur decora inter
præcipua Europæ Sceptra, Orbisque totius
Diademata fulgeant. Breviter hoc tantum
de te dicam, & totum dicam; Par est Vir-
tus sublimis tua Regali propagini tuæ, &
Virtuti tuæ eminentissimæ par augusta
propago. Quamvis autem, & regii san-
guinis gloria, & ornatissimi proprii animi
dotibus, vitæque probitate excelleres, ea
tamen simul modestia præfulges, ut ad
Purpuratam Ecclesiastici Orbis dignita-
tem vocatus non renueres accedere. In
hoc honoris fastigio ita eluces, ut Ecclesia
tota libens fateatur tali se gaudere Purpu-
rato, ut dum te habet lectissimos unde-
quaque Vaticani solii cardines præteritis
sæculis non invidet; Tanta, ac talis est
Serenissimi Tui Sanguinis, Animique Cel-
situdo, ut Ecclesiasticæ dignitatis apex
Eminentissimum non fecerit, sed adinve-
nerit. Quamvis Ecclesiasticæ Purpuræ
tantus sit fulgor ut etiam proprio caren-

nes lumine undequaue repleat Maiestatis
splendore, sic tamen te afficit Ostrum illud,
ut pro lumine, quod tibi communicat ma-
gna claritatis usura, maiores à Serenissimis
Tuis radiis splendores recipiat. Hæc pau-
ca dixi non ut importunus modestiæ Tuae
laudator in exornandis excelsissimi ani-
mi Tui dotibus me implicem, sed ut offen-
dam accessus mei ad solium tuum teme-
ritati præcavisse, & non immerito apud
Celsitudinem Tuam Serenissimam Philo-
sophiæ meæ patrocinium consequi ex-
optasse. Tui enim augusti nominis præ-
munita radiis, hostilia quæcumque tela
retundet, & victricem palmam secunda
expectatione sibi pollicetur. Vive aurea,
& æterna sæcula ad Urbis, Orbisque to-
tius felicitatem,

Eminentissimæ Tuae
Humill. Obsequentijs. atq; Addictis. Servus
Joseph Maria Zini Ch. R. S. S.



EX LOGICA.

I.

Datur Logica artificialis, quæ licet dividatur in Docentem, & Utentem, nihilominus habitus Logicæ docentis non est realiter distinctus ab habitu Logicæ utentis.

II.

Hanc Logicam Scientiam esse arbitramur non speculativam, sed practicam, necessariam quidem secundum quid ad alias Scientias comparandas tam in statu perfecto, quam imperfecto; non autem necessariam simpliciter ad illas adipiscendas in statu imperfecto, immò neque in statu perfecto.

III.

Pro obiecto materiali Logicæ non res, neque voces, sed operationes Intellectus, pro formali verò earundem operationum dirigibilitatem, sive rectitudinem, ut inducibilem in operationes statuimus; ita ut operationes Intellectus ut dirigibiles sint obiectum attributionis Logicæ.

IV.

Inter gradus Metaphysicos eiusdem entitatis non datur distinctio formalis ex natura rei media inter realem, & rationis, datur quidem distinctio virtualis, quapropter non dissentimur ab admittentibus præcisiones obiectivas inter gradus Metaphysicos eiusdem Physicæ entitatis.

V.

Nullum universale formale, sive Platonicum extrâ singularia, sive Scotisticum inclusum in singularibus, sive etiam per
▲

indifferentiam admittimus; dicimus tamen naturam posse universalem fieri per actum absolutum, & abstractivum intellectus illam præscindentem obiectivè à singularibus.

VI.

Universale in actuali prædicatione suam retinet universalitatem; item natura ab unico individuo obiectivè præcisa est universalis.

VII.

Universale ut sic dividitur in quinque prædicabilia; genus, speciem, differentiam, proprium, & accidens, respectu quorum se habet tamquam genus; definitionem generis communiter acceptam, quæ est unum aptum ad prædicari de pluribus differentibus specie in quid tamquam rectam definitionem admittimus.

VIII.

Nec genus requirit plures species, nec species plura individua actualia, licet tam genus plures species possibiles, quam species plura individua, præbuit sunt universale Logicum, & Metaphysicum requirant.

IX.

Differentiæ Superiores non includuntur formaliter in inferioribus; individua aded inter se differunt in ratione individui, ut dari nequeat conceptus communis univocus omnibus applicabilis, nec ulla ratio communis, in qua conveniant.

X.

Datur relatio prædicamentalis realis, quæ tamen, neque cum fundamento adæquatè identificatur, neque est accidens à fundamento distinctum, neque est modus superadditus extremis, sed nihil aliud est, nisi ipsam fundamentum, terminus, & ratio fundandi.

XI.

Veritas propositionis non est quædam relatio rationis ficta ab Intel-

Intellectu reflectente supra actum iudicij, illumque comparante ad obiectum, neque est aliqua relatio realis prædicamentalis superaddita ipsi actui, sed veritas consistit in ipso actu iudicij, & in obiecto se habente, sicuti ab actu iudicij representatur.

XII.

Propositio vera de obiecto contingenti, si importet tempus determinatum transire nequit in falsam, & è contra falsa transire nequit in veram; si autem importet tempus indeterminatum, tunc de falsa in veram, & de vera in falsam mutari posse censemus. Propositiones autem de futuro contingenti sunt determinatè veræ, vel falsæ.

XIII.

Præmissæ non influunt effectivè physice in conclusionem, bene quidem effectivè moraliter & positivè autem assensibus harum præmissarum, licet Intellectus necessitetur necessitate specificationis ad assensum Conclusionis eliciendum, non tamen necessitetur necessitate exercitij.

XIV.

Quando Intellectus assentitur Conclusioni, attingit aliquo pacto obiectum præmissarum. Demonstrationis præmissæ licet debeant esse veræ, non est tamen necesse quod sint veriores Conclusionem.

XV.

Datur Scientia acquisita, quæ non est una simplex, & indivisibilis qualitas, sed est unus habitus totalis compositus ex pluribus habitibus partialibus, illum integrantibus, qui habitus sumit suam diversitatem specificam à diverso obiecto formali, non verò à diversa abstractione à materia. Actus autem Scientiæ non repugnat simul cum actu opinionis in eodem Intellectu circa idem obiectum, immò neque cum actu Fidei.

EX PHYSICA.

I.



Physica scientia speculativa est, quæ tamquam obiectum, non ens Mobile, sed pro materiali corpus respicit, pro formali verò eiusdem corporis naturalitatem, ita ut corpus naturale, ut naturale est, sit huius Scientiæ attributionis obiectum.

II.

Corpus naturale non constituitur ex atomis; sed principia eius intrinseca in facto esse sunt materia, & forma; in fieri etiam nullum aliud præter ista duo cognoscimus proprium, & rigorosum principium; privatio enim, etiam si sit de conceptu mutationis non per hoc dicenda est propriè & rigorosè mutationis, sed corporis naturalis principium.

III.

Materiæ primæ, quæ est primum Subiectum uniuscuiusque &c. non revocatur in dubium existentia; sed de facto dari fatemur, hæc licet non dicat actum physicum, dicit tamen actum Metaphysicum; & entitativum proprium, immò etiam propriam existentiam, non enim istam à forma emendicat; præcipuè in nostrâ Sententia, in qua dicimus, quod existentia entis creati non est distincta realiter ut res à re, nequè ut modus à re ab essentia actuali eiusdem entis, sed existentia, & essentia actualis sunt unum, & idem.

IV.

Materia prima ad formas, quibus omnibus potest saltem supernaturaliter spoliari dicit appetitum; ita tamen ut æqualiter appetat inæquales; non enim magis perfectas magis appetit; & etiam si concederetur formas corruptas non posse naturaliter reproduci, tamen etiam ad illas extenderet suum appetitum naturalem.

V.

Dantur formæ Substantiales, quarum aliquæ creantur, aliquæ verò

verò nempe materiales, licet non præxistant in materia, neque secundum se totas, neque secundum aliquas ipsarum particulas, tamen educuntur de illius potentia; educæ autem non sunt tota quidditas compositi, sed tam materia, quam forma ad quidditatem compositi pertinent.

VI.

In Viventibus præter animam etiam formas substantiales partiales, & subordinatas admittimus. Plures formæ totales, sive similes, sive oppositæ licet naturaliter non possint eandem numero materiam informare, possunt tamen supernaturaliter; plures autem formas totales disparatas non solum supernaturaliter, sed etiam naturaliter posse eandem numero actuare materiam defendimus.

VII.

Materia, & forma absque unionē, quæ sit modus quidam superadditus ab illis distinctus adinvicem nectuntur, & compositum conitunt, quod præter materiam, & formam, invicem communicatas; & collectivè sumptas nihil aliud importat; non enim est tertia aliqua entitas à materia, & forma simul sumptis distincta.

VIII.

Inter causas, sive eiusdem, sive diversi generis physicè influentes in effectum implicat mutua causalitas secundum eandem rationem pro eodem instanti reali; non repugnat tamen eundem numero effectum non solum successivè, sed etiam simultaneè à duplici causa efficiente totali totaliter influente, produci.

IX.

Actio, & passio non sunt entitatulæ quædam distinctæ à causa, & effectu, unde tam effectus, qui essentialiter pendet ab hac numero causa, quam illi, qui contingentèr sunt potius ab hac, quam ab illa causa, producuntur sine actione superaddita causæ, & ipsismet effectibus.

Nequē

Neque implicat accidens, ut causam instrumentalem produ-
tere immediatè Substantiam, neque implicat substantiam
creatam esse immediatè productivam, & accidentium, &
alterius Substantiæ.

Datur in Creaturis potentia obedientialis, per quam dicimus
posse creaturam elevari ad creandum, immò dicimus esse
possibilem Creaturam, cui cõpetat naturaliter facultas
creandi aliquid ens.

Deus concurrit immediatè cum causis secundis ad operandum,
ad actus liberos naturales causarum secundarum non con-
currit præmotione physica, sed concursu simultaneo indi-
screto secundum se, tam ad actus bonos, quam ad actus
perversos, ad quos licet concurrit, non per hoc dicitur, ne-
que dici potest ullo modo Auctor peccati.

Infinitum Categorematicum tam in quantitate continua, quàm
in quantitate discreta repugnat, sicut etiam Creatura om-
nium possibilem perfectissima.

**Quantitas, cuius essentia consistit in extraneitate partium ex-
tra partes, non est accidens realiter distinctum a re quan-
ta. Continuum non coalescit ex partibus in infinitum di-
visibilibus, sed ex punctis finitis indivisibilibus.**

Res est in loco absque ubicatione sibi, & loco superaddita;
sic etiam est in tempore absque duratione sibi, & tempo-
ri superaddita; verum licet nullum ex modis superadditis
admittamus, ut patet ex hoc, & alijs expõitis alientis, ta-
men, quia contrariæ sententiæ quæ illos admittunt, non
tarent

7
carent sua probabilitate, idèd non recusamus satisfacere
obiectis quæ adduci possunt contrà opiniones propugnantes
dari unionem superadditam inter materiam, & formam;
actionem inter causam, & effectus non essentialiter ab illa
dependentes, ubicationem, & durationem superadditas re-
bus in loco, & tempore existentibus.

XVI.

Plura corpora esse naturaliter in eodem loco implicat, licet
non implicet supernaturaliter; item idem corpus nequit esse
naturaliter in duplici loco adæquato, licet possit superna-
turaliter etiam circumscriptivè.

XVII.

Natura ita abhorret à vacuo, ut naturaliter, saltem ad lon-
gum tempus repugnet; supernaturaliter potest dari, in quo
casu non repugnaret in illo motus localis.

DE COELO ET MUNDO.



Undus est compages ex Cœlo, & Terra coagmenta-
ta: licet plures esse possint Mundi tamen de facto
est unus creatus à Deo in tempore, ita ut creati
non potuerit ab ætérno neque quoad entia perma-
nentia, neque quoad successiva.

II.

Cœlum nulla anima est animatum, constat tamen ex forma,
& materia eiusdem speciei quæ constant sublunaria; Cœli
planetarum sunt fluidi, Cœlum verò, stellatum, seu firma-
mentum est omninò solidum.

III.

Stellas fixas, & Planetas ita à Sole luminis incrementa mu-
tuare, ut tamen ex se aliquid luminis possideant opinamur.

A.

4 muloq mutola Sphæ

IV.

Sphæra est corpus solidum unica superficie comprehensum, ad quam ab uno intra figuram puncto, idest centro omnes rectæ lineæ ductæ sunt æquales; alia est naturalis; alia artificialis.

V.

Sphæra naturalis est tota cœlestis machina sphæricam figuram habens; Sphæra artificialis, quæ etiam materialis dicitur, est instrumentum astronomicum ad sphæræ cœlestis similitudinem efformatum, in quo quidquid in Cœlo imaginamur, sive circulos, sive polos per materiales circulos sibi invicem cohærentes exhibetur ad rerum notitiam facilius comparandam.

VI.

Hæc Sphæra artificialis dividitur in Aratheam, & Armillarem; prima est globus undequaque solidus, in cuius extrema superficie omnia, quæ sunt in Cœlo, ac præcipuè Stellæ fixæ describuntur; secunda est illa, quæ pluribus circulis ex solidiori aliqua materia factis interfunctis totam primæ mobilis doctrinam continet.

VII.

In hac Sphæra decem reperiuntur circuli sex maiores, qui secant totam sphæram in partes æquales, & sunt Equator, Zodiacus, Meridianus, Colurus Solstitiorum, Colurus Equinoctiorum, & Horizon; & quatuor minores, qui secant sphæram in partes inæquales, & sunt Tropicus Canceri, Tropicus Capricorni, Circulus Arcticus, & Circulus Antarcticus.

VIII.

Poli sunt duo cardines ex diametro oppositi, seu duo puncta axem terminantia. Axis autem est linea quædam, quæ ab uno Mundi cardine, seu polo per centrum telluris transiens in alterum polum terminatur, circa quam totam Cœlorum machinam intelligimus circumvolvi. Zonæ

Zonæ sunt illa spatia, quæ reperiuntur inter unum, & alium circumulum ex minoribus, cum autem isti circuli minores dividant Sphæram in quinque partes, quinque enumerantur Zonæ, quarum duæ sunt frigida, duæ temperatæ, & una torrida: quæ protenduntur à polis Mundi usque ad circulos Arcticum, & Antarcticum sunt frigida; quæ protenduntur, vel quæ mediant inter Circulos Polares, & Tropicos Cancris, & Capricorni constituunt duas Zonas temperatas; illa demum quæ protenditur à Tropico Cancris ad Tropicum Capricorni includens in medio æquatorem dicitur Zona torrida.

EX LIBRIS DE ORTV, ET INTERITV.

I.



Generatio Substantialis est productio termini Substantialis cum dependentia à causa materiali; generatio quæ involvit mutationem non postulat formaliter terminum à quo positivum.

II.

Terminus formalis ad quem conversionis non est necesse, quod producat, sed sufficit quod uniatur materiæ in conversione compositi; terminus formalis à quo respectu conversionis compositi non est necesse quod definat, sed sufficit quod separetur.

III.

Terminus formalis à quo debet definire in conversione unius formæ in aliam; terminus totalis ad quem debet produci in conversione unius Substantiæ in aliam, terminus totalis à quo conversionis debet desinere.

IV.

In corruptione formæ Substantialis non datur resolutio usque ad materiam primam.

V.

Ens permanens corruptum ex intrinseca sua natura non repugnat naturaliter reproduci.

VI.

Intensio non consistit formaliter in maiori expulsionem contrarij, neque consistit in hoc quod tollatur forma imperfecta, & alia perfectior educatur, neque in maiori radicatione qualitatis in Subiecto, sed fit per additionem gradus ad gradus in eadem parte Subiecti; & hi gradus sunt homogenei.

VII.

Elementa sunt quatuor Ignis, Aer, Aqua, & Terra. Primæ quatuor qualitates sunt Calor, Frigus, Siccitas, & Humiditas; Ignis est calidus in summo, & siccus in gradu excellenti; Aer est humidus in summo, & calidus in excellenti; Aqua est frigida in summo, & humida in gradu excellenti; Terra est sicca in summo, & frigida in excellenti.

VIII.

Probabile est Sphæram ignis esse sub concavo Lunæ.

IX.

Elementa non sunt formaliter, sed virtualiter in mixtis non

X.

Raritas consistit in maiori dilatatione pororum, densitas vero in eorundem constipatione.



EX LIBRIS DE ANIMA.



Anima est actus corporis physici organi potentiæ,
vitæ habentis; est triplex Vegetativa, Sensitiva,
& Rationalis.

II.
Omnes partes corporis solidæ, & principales sunt animatæ;
sanguis non est animatus.

III.
Animæ omnes, sive brutorum, perfectorum, sive imperfecto-
rum sunt divisibiles.

IV.

In sensibus internis dantur species impressæ, quæ sunt vicariæ
obiectorum; concurrunt enim loco obiecti in genere causæ
effectivæ ad eliciendas sensationes. Huiusmodi species im-
pressæ dantur etiam in sensibus externis, & præcipuè in
potentia visiva.

V.

Licet probabilissima sit Sententia Peripatetica, quæ admittit
colores reales, tamen potest sustineri, quod color nihil aliud
sit, quàm luminis reflexio.

VI.

In homine non reperiuntur tres animæ realiter distinctæ; ne-
que in generatione hominis datur animarum successio.

VII.

Animæ rationalis in homine non est forma pure assensens, sed
forma informans, etiam prout rationalis.

VIII.

Animæ eiusdem speciei sunt eiusdem perfectionis substantialis.
Potentia

ANIMA DE LIBRIS DE ANIMA. IX.

Potentia animæ rationalis tam inorganicæ, quam organicæ secundum id, quod dicunt ex parte animæ non distinguuntur realiter ab anima, nec inter se.

X.

Intellectus ad efformandos suos actus Intellectionis utitur istdem speciebus materialibus quibus utitur phantasia, unde per nos non datur Intellectus agens, cuius munus sit fabricare species spirituales, cum quibus postea concurrat Intellectus ad eliciendos actus spirituales.

XI.

Intellectio consistit in verbo mentis producto ab Intellectu ab-
sque actione superaddita.

EX ETHICA.



Thica est Scientia practica circa actiones humanas occupata; dividitur in Monasticam, Oeconomiam, & Politicam.

II.

Actio humana est illa, quæ procedit ab homine, quatenus homo est: ad hoc ut actio humana sit bona tria necessaria requiruntur bonitas obiecti, bonitas finis, & bonitas circumstantiarum.

III.

Quilibet actio in individuo debet esse bona, vel mala simpliciter.

IV.

Eadem actio non potest esse simul bona, & mala potest quidem eadem actio habere plures bonitates, vel malitias.
Volun.

V.

Voluntas non potest velle malum sub ratione mali, hæc potest pati violentiam in actibus imperatis, non verò in actibus elicitis; violentia causat involuntarium simpliciter, sicut etiam Ignorantia; Merus verò causat involuntarium secundum quid, non verò simpliciter.

VI.

Passio est motus animæ sensitivæ per susceptionem boni, vel mali; undecim enumerantes passionēs; sex in appetitu concupiscibili, & quinque in irascibili; appetitus concupiscibilis passionēs, tres versantur circa bonum, tres circa malum: quæ versantur circa bonum sunt amor, qui versatur circa bonum, ut conveniens; Desiderium, quod versatur circa bonum absens; Gaudium, quod versatur circa bonum præsens; quæ versantur circa malum sunt odium, quod versatur circa malum, ut disconveniens; Fuga, quæ versatur circa malum absens; & tristitia quæ versatur circa malum præsens.

VII.

Passiones appetitus irascibilis duo versantur circa bonum, sed consideratum ut arduum, aliz verò circa malum: quæ versantur circa bonum sunt Spes, & Desperatio; Spes versatur circa bonum arduum absens, & possibile ad illud accedendo; Desperatio verò, quæ spei opponitur versatur circa bonum ab illo recedendo propter apprehensionem summæ difficultatis talis boni. Quæ versantur circa malum sunt timor, qui est passio de malo futuro; Audacia timori opposita, qua pericula quis aggreditur cum spe victoriæ; Ira, quæ est passio ex præsentia mali cum desiderio ulciscendi.

VIII.

Virtus est perfectio potentiz ad ultimum, vel optimum, vel est habitus bonus boni operativus dividitur in Intellectualem, & Moralem; prima perficit Intellectum in obiectis ad

cognitionem veri, altera perficit voluntatem in ordine ad boni prosecutionem.

IX.

Virtutes Intellectuales sunt quinque; Intelligentia, Sapientia, Scientia, Prudentia, & Ars; Intelligentia est habitus perficiens Intellectum circa principia per se nota; Sapientia est notitia rerum præstantissimarum. Scientia est notitia rerum per causas certas, & evidentes; Prudentia est recta ratio agibilium, idest habitus rectificans rationem circa ea, quæ sunt à nobis agenda; Ars est recta ratio factibilium, idest habitus rectificans mentem circa opera facienda.

X.

Virtus Moralis quadruplex est, Prudentia, Iustitia, Fortitudo, & Temperantia; Prudentia iam est definita, hæc etiam inter virtutes morales numeratur, quia licet essentialiter sit Intellectualis, tamen secundum materiam est moralis; ordinatur enim ad rectam voluntatem; Iustitia est constans, & perpetua voluntas ius suum unicuique tribuendi; Fortitudo est virtus animum firmans ad pericula præcipue mortis subeunda; Temperantia est virtus moderans appetitum circa delectationes bonorum sensibilium.

EX METAPHYSICA.

I.



Quædam Metaphysicæ est ens, ut ens. cuius entis non datur conceptus abstrahens à positivo, & negativo, reali, & rationis.

II.

Datur conceptus entis realis, qui est univocè communis nedum Substantiæ, & accidenti, sed etiam Deo, & creaturæ.

III.

Potest dari præcisio quæ non sit mutua, atque adeo licet ens præscindat à differentiis, non bene inferitur ex hoc, quod etiam differentiæ præscindant ab illo. Utrum

IV.

Utrum autem verè differentia præscindant ab ente, nec ne in questione tam difficili multum hæsitamus; atque aded utraque opinio nobis ut probabilis usque adhuc repræsentatur, unde & differentias entis præscindi ab ente defendimus, & sententiam quæ asserit differentias entis non posse præscindi ab ente non improbabilem iudicamus.

V.

Creaturæ possibiles nullum dicunt esse actuale essentia antequàm producantur, sed earum intrinseca possibilitas nihil aliud est, quàm non repugnantia obiectiva ad existendum.

VI.

Quælibet res individuatur per se ipsam, non verò à materia, ad quam dicit ordinem.

VII.

Ens Rationis Metaphysicum à nullo Intellectu fieri potest, unde obiectum impossibile non potest cognosci.

VIII.

Subsistentia creata, licet non consistat in aliquo merè negativo, non per hoc consistit in aliquo positivo realiter naturæ superaddito.

*Disputabuntur publicè Florentia in Ecclesia S. Michaelis ab iisdem,
qui supra Anno 1699. Mense Die Hora*

L A U S D E O.

IV

Die erste dieser drei Theile ist die Beschreibung der Natur der Sache, die zweite die Darstellung der That, die dritte die Beurtheilung der That. Die Beschreibung der Natur der Sache ist die Darstellung der That, die Darstellung der That ist die Beurtheilung der That.

V

Die zweite dieser drei Theile ist die Darstellung der That, die dritte die Beurtheilung der That.

VI

Die dritte dieser drei Theile ist die Beurtheilung der That.

VII

Die vierte dieser drei Theile ist die Darstellung der That, die dritte die Beurtheilung der That.

VIII

Die fünfte dieser drei Theile ist die Beurtheilung der That.

Die sechste dieser drei Theile ist die Darstellung der That, die dritte die Beurtheilung der That.